

કુંજલ જી કુણકાર

જેણી સુરજ ચંદ, મેંરામણ મોતી પર્યે
'હયાત તોંજે હંધ, કરછ ! પ્રથમીજે પાટતે !'

તંત્રી : માઘવ જોષી "અશક"

તોંજે ખ્યાર (શીત)

તોંજે ખ્યારમેં આંઊ બુડાંતો - બુડાંતો
હથ મૂંજો જલ આંઊ અભમેં ઉડાંતો.

ગાલ મૂંજી સુણા તૂં, આંઊ તોંજી સુણાંતી,
ઘિલ મૂંજો રખ તૂં, આંઊ તોંજો રખાંતી...

ઘિલજો સુણી નાલો, ઘડકન વઘી વિઘ,
હિત હુત જિત ન્યાર્યો જિન્નત વસી વિઘ,

સમા ભન તૂંમુંજી, આંઊ પરવાનોં ભનાંતો,
હથ મૂંજો જલ આંઊ અભમેં ઉડાંતો...

સભર કર જિરા તૂં જુવાણઘ અચણ ડં,
કલી ગુલ થીએતી ત કલીકે ખિલણ ડં

અરઘાસ ઇતરી આંઊ ઘુઆ હી ગુરાંતી,
ઘિલ મૂંજો રખ તૂં, આંઊ તોંજો રખાંતી.

- વ્રજ ગજકંઘ

વરે : ૧૨ : અંક : ૨ : ઓગસ્ટ ૨૦૦૫

સ્રાણ ૨૦૬૨ રૂપિયા ૧૦-૦૦ વી

કુંજલજી કુણકાર

તંત્રી : માઘવ જોષી 'અશક' વરે : ૧૨ : અંક : ૨ : ઓગસ્ટ ૨૦૦૫
મુખપૃષ્ઠ તસ્વીર સૌજન્ય : જે. કે. તિવારી

સંગર

૧. તંત્રી લેખ.....	૦૨
૨. માઘવ જોષી 'અશક'.....	૦૩
૩. કચ્છી બારાખડી.....	૦૪
૪. લાલજી 'સર'.....	૦૫
૫. અકાદમીજી બેઠક.....	૦૬
૬. માઘવ જોષી 'અશક'.....	૦૭
૭. ન્યારે નેણા ઠર્યા.....	૦૮
૮. નૂરમામદ 'નૂર'.....	૧૧
૯. ચંદ્રવદન મહેતા 'સારસ'.....	૧૧
૧૦. મૂંજી પોથી.....	૧૨

ખાસ સૂચના : કોય પણ ફૂતિ બે કે પણ સામયિક-અખબારમે પ્રગટ થિઈ હૂવે ક પ્રગટ કરે લાય હલાયાં 'વાં, ત ઉ ફૂતિ અસાકે મં હલાઈજા. અપ્રગટ ફૂતિ જ હલાયણી, ફૂતિજે અભિપ્રાયજી જવાલધારી કર્તાજી આય.

ખાસ સૂચના : ફૂતિ ગમે તેતરી નિન્દી હૂવે તોય પણ પોસ્ટ કાર્ડ, ઈન્લેન્ડ લેટર ક પોય કે કાગરજે ટુકર મથે મં લિખજા, પણ ફૂલ્સકેપ કાગર મથે, વરે ને સાફ અખરે કાગરજે હિકડે જ પાસે, હાંસિયો છડેને લિખી હલાયજી વિનંતી આય. ફૂતિ બાબત જલાપ ક અસ્વીકૃત ફૂતિ પાછી ખપંધી હૂવે ત, ઠિકીસવારો-પૂરે સરનામેવારો કવર ફૂતિ ભેરો હલાયણું જરૂરી આય.

સૂચના : વરેમે બારો અંક-હર મેણે પ્રગટ થિયેતા.

આજીવન લવાજમ : મોભી સંરક્ષક : રૂ. ૫,૦૦૦/-, સંરક્ષક : રૂ. ૨૫૦૦/-.

સાથી : રૂ. ૧,૦૦૦/-, શુભેચ્છક : રૂ. ૬૦૦/- વાર્ષિક લવાજમ : રૂ. ૬૦/-

જાહેરખબર : રૂ. ૫૦૦/- વટાં કરેને રૂ. ૨૦૦૦/-ને તેનું વઘુ (સ્થાન પ્રમાણે)

હરેક પ્રકારજા લવાજમ ક જાહેર ખબરજી રકમ મની ઓર્ડર ક બેન્ક ડ્રાફ્ટસે માઘવ જોષીજે નાલે હલાયજી વિનંતી આય.

લવાજમ ને જાહેર ખબરજા ભાવ 'મા બોલી'જી સેવાજે ચક્ષમે આહૂતિ ડેજા 'ભાવ' અઈ

: કાગર વેવાર, મની ઓર્ડર, બેંક ડ્રાફ્ટ હલાયજો સરનામું :

માઘવ જોષી 'અશક' જે નાલે હલાઈજા

તંત્રી/વ્યવસ્થાપક 'કુંજલજી કુણકાર', મઢ-કચ્છ. ૩૭૦ ૬૨૫

તંત્રી, મુદ્રક, પ્રકાશક, માલિક : માઘવ જોષી 'અશક'

મુદ્રણ-પ્રકાશન સ્થાન : શ્રીજી ઓફસેટ-ભુજ

કોમ્પ્યુટર ટાઇપ સેટીંગ : જી. આર. કોમ્પ્યુટર સર્વિસ-ભુજ

કુંજલજી કુણકાર (૧) ઓગસ્ટ - ૨૦૦૫

કૂંજલ જી કુલાકાર

જેસી સૂરજ ચંદ, મેરામણ મોતી પર્યે,
હયાત તોજે હંધ, કચ્છ ! પ્રિથમીજે પાટ તે !

સાણ : ૨૦૬૨ ઓગસ્ટ - ૨૦૦૫

અકાદમીજી બેઠક

કચ્છી સાહીત્ય અકાદમીજી કાર્યવાહક સમીતીજી હિકડી બેઠક તેરઇં જૂલાઇજે ડીં અકાદમીજે કાર્યાલયમેં ધિઇ તેમેં જુકો પ કમ થ્યો, ફેસલા થ્યા, ઠેરાપ થ્યા નેં તેમેં જુકો ડીં સમીતીયૂં રચાણયૂં અઇં તેજો હેવાલ હિન અંકમેં બ્યેં પનેં તે અસીં ડિનૂં આચ.

હિતે તંત્રી લેખમેં અલગ સેં નોંધ ગિનેજો એતરે જરૂરી સમજયો આચ જે, ભુજ જી સામાન્યસભામેં જડેં કાર્યવાહક સમીતીજી રચના કરેમેં આપઇ તડેં તેમેં કેતરાક ભાવર મિણીં નજરસેં લાયક હૂંધે ભી કાર્યવાહક સમીતીમેં અચી ન સગ્યા નેં તેતે કેતરેક ભાવરેકે અસંતોસ થ્યો, તેજી સુણસુણ અસાંજેં કનેંતે પ આપઇ હુઇ.

અિનીં ભાવરેં કે મૂંજી ખાસ અરઘાસ આચ ત, ‘ખુરસી પિનઇં સામેં હલીનેં તાં કેંક ભાગ્યવંતકે જ મિલેતી. ભાકીં તાં જપટ મારેનેં જટણીં પેંતી ! જપટ મારેનેં જટણ લાય સાથી ખપેંતા. આતમબલ ખપે તો!’

અસાં સામેં ન્યાર્યાં. અસાંજે તાલૂકેમેં નેં તાલૂકેજી સરહદ સામેં આવલ અભડાસે તાલૂકેજેં કેતરેક ગામેમેં મૂં કે-પ જાતજે સ્વારથ વિગર રાત-ડીં, સી-ગરમી-મીં ન્યારે વિગર પ્રજાજો કમ ક્યો. મૂંજે મનમેં વરેં જે વરેં તાઇં અંડી અમેઘ હુઇ જે મૂંજો કોંગ્રેસ પક્ષ મૂંકે સામેં હલીનેં ગુજરાત વીધાનસભાજી ચૂંટણીએમેં અભડાસા મતદાર વીભાગ (જેમેં લખપત નેં અભડાસો બ તાલૂકા નેં નખત્રાણેં તાલૂકે જે નખત્રાણેં સોંત ચારીચારોંક ગામ અઇં)જી બેઠક મથાં પક્ષજો અમેઘવાર ભનાઇંધો ! પ, અંડો ન ભન્યો. આખર જડેં હિકડી ચૂંટણીં ટાણેં માડણી કિઇ તડેં (સ્વ.) ખીમજીભાઇ જેસંગ ચ્યો જે : ‘મારાજ ! ચૂંટણી લડે લાય બ લખ રૂપીયા ખપેં!’ મૂં અિનીંકિ ઘણેં સમજાયો પ, ટિકીસ ન મિલઇ ! અુન વખત અંડી હાલત હુઇ જે આચૂં ફકત હા, ફકત પનરેંખન હજાર રૂપીચેંજે ખર્ચમેં ચૂંટણી ખટી વિના ! બિઇયાર જી ચૂંટણી ટાણેં ગુજરાતજેં ત્રીં પૂર્વ મંત્રીચેં તત્કાલીન મુખ્ય મંત્રી માઘવસિંહજી સોલંકી સાહેબકે મૂંજી ભરામણ ક્યો. એતરો જ નં, પ મુખભઇજી હિકડી અંડી કચ્છી હસ્તી જુકો અિન્દીરાજીકે ‘અિન્દૂ’ ચિઇનેં બોલાઇંધી હુઇ, તેં રાજીવ ગાંધી મથે મૂંકે ભરામણ પત્ર લિખી ડિનેં, પ ટિકીસ ન મિલઇ !

રાજ્યજે હિકડે મંત્રીકે મૂં ચ્યો હો, ‘જ મૂંકે ટિકીસ નઇં મિલે ત, માઘવસિંહભાઇ મુખ્યમંત્રી નઇં ભનેં !’ નેં મૂંજી ભવીખ્યવાણી મર સચી પઇ, પ મૂંકે ટિકીસ ન મિલઇ સે ન જ મિલઇ !

પર્યાં કુલાય અકાદમીજી જ ગ્યાલ કરીયાં.

કચ્છી ભાષા નેં કચ્છી સાહીત્ય જે પ્રસાર, પ્રચાર લાય આચૂં ત્રીચારોંક વરેં થ્યા જિકીં કીં પ્રવૃત્તી કરીયાં તો સે આંજી નજર સામેં જ આચ ! તેં હૂંધે જડેં પ્રમુખપદજી ચૂંટણીં આપઇ તડેં મૂંકે કંડી ત સફાઇસેં ટારેમેં આચો, ઇ આંજે ઘ્યાનનૂં બાર નાંચ જ !

કૂંજલ જી કુલાકાર (૨) ઓગસ્ટ - ૨૦૦૫

ત જી મૂં જામોશી રખઈ આય તીં આં મિન્જા જેકેં ભાવર કે મનડુખ થયો હૂવે તેકે જામોસી રખેજી નિમાંણીં અરઘાસ આય !

અકાદમીજી કાર્યવાહક સમીતીજી બેઠકમેં જિનીં ડોંચં પેટા સમીતીએંજી રચના થિઈ આય તેમેં અકાદમીજેં ઘણખરેં સભાસદેકે સ્થાન ડિનેમેં આયો આય. એતરે જેકે પ કીં મનડુખ-અસંતોષ થયો હૂંઘો અૂ મનડુખ-અસંતોસ ડૂર થયો હૂંઘો, ઓછો થયો હૂંઘો, અંડી મૂંજી ઘારણા આય !

હિનીં પેટા સમીતીએકે પિન્ઢ-પિન્ઢ જે ક્ષેત્રમેં કાર્યવાહક સમીતી જેતરી જ સ્વતંત્ર સત્તા આય !

આખર તાં પાંજો હિકડો જ ઘ્યેય આય, કરછી ભાષા કે-પાંજી મા બોલીકે જીયરી રખણીં! વઘાયણીં-વીજાયણીં!

અકાદમીજા પ્રમુખ કીર્તીભાઈ ખત્રી હિકડા ઘ્યેય નિષ્ઠ વ્યક્તી અઈ અંડો મૂંજો ત્રી ખન વરેંજો અનૂભવ આય !

માઘવ જોષી 'અશક'

જિન્ઘગી

માંણો ઝિન ભરપૂર તૂં, હી જિન્ઘગી !
મર ન થોડી રિઈ ત રિઈ, હી જિન્ઘગી !

લિકબૂચાણીં રાંઘ સૂરજ સાંખેંજયૂં !
પિરોંજો હી પ્રિગટણૂં, હી જિન્ઘગી !

પખીયનજો હી ગીત ગૂંજન ! પવનમંદ !
રેલાયતી સુર સખ વા', હી જિન્ઘગી !

ગજણ નેં હી નચણ, આહા ! ખિવણજો !
વસંઘલ વસ ભિજાયતી, હી જિન્ઘગી !

સુરમ અચે તી હા, અચે, ક્યાંનૂં અરે !
ફોરંઘલ ગુલકુલ જે સંગ, હી જિન્ઘગી !

'અશક' સાંજી અજ ત લાલમ્લાલ આય !
રડજી વેંઘી રડમેં, હી જિન્ઘગી !

ફૂંજલ જી કુણકાર (૩) ઓગસ્ટ - ૨૦૦૫

देवनागरी - गुजराती लिपि में कच्ची वर्णमाला

क	ख	ग	ग़	घ	ङ	च	छ	ज	ज़
(क)	ख	ट	ठ	ड	ढ	ण	त	थ	(द)
ध	न	प	फ़	ब	भ	म	य	र	ल
व	श	(श)	(ष)	ह	ड़	(ळ)	क्ष	ज्ञ	
अ	आ	ई	ई	(अि)	(अी)	उ	ऊ	(अु)	(अू)
अे	अै	अौ	अो	अॉ	अौ	अं	अः		
अ	आ	इ	ई	(अि)	(अी)	उ	ऊ	(अु)	(अू)
ए	ऐ	ऑ	ऐ	औ	औ	ऑ	औ	अं	अः

कच्ची में झ, द, श, ष ने ळ हिनीं व्यंजनेंजो (अखरेंजो) अुपयुग करेमें नथु अचे.

जींयं त : कच्ची में 'झ झबलेजो झ' नं प 'ज जबलेजो ज' लिखाजे नें बोलाजे तो. 'द-दडे जो द' नं, प 'ड-डडे जो ड' लिखाजे नें बोलाजे तो.

कच्ची बोली में फक्त सिगाड़ी जे 'स' जो ज अुपयुग थीये तो. 'श-शकोरेजो श' क 'ष-धनुषजो ष' जो अुपयुग नथु थीये. प अिते 'श' नें 'ष' जे ठेकारणें 'स' जो ज अुपयुग थीये तो.

कच्ची में 'ळ-नळ जो ळ' नं-प 'ड़ नड़ जो ड़' लिखाजे-बोलाजे तो क पोय 'नल' लिखाजे-बोलाजे तो.

कच्ची में 'ड' नें 'ज' जो अजा ताइं प छूटसें अुपयुग थीये तो. जींयं त - मुड नें अुज. डाडणीं नें अज.

असीं हस्व 'इ' (i) नें हस्व 'उ' (u) जो अुपयुग फक्त 'इ' नें 'उ' जे लघु वीवृत्त अुचार पूरतो ज करीयो ता. भाकीं हस्व 'इ' नें हस्व 'उ' (u) जे भधले दीर्घ 'ई' नें दीर्घ 'ऊ' जो ज अुपयुग करीयो ता.

कुंजलज कुणकर (४) अुगस्ट - २००५

ને હીંચું રૂઢ પ્યો !

(લાલજી 'સર' જે નાલેસેં મૂલૂન-મુમ્બઇમેં ખ્યાત શ્રી લાલજીભાઇ કતીરા મૂર કોટેસરજા વતની અઇં. મૂલૂનમેં ટ્યૂશન કલાસીસ હલાઇયેંતા એતરે 'લાલજી સર' ચોંવાજેંતા.

મૂંજે પિયોતેર વરેજે ઑંછવજે અનૂંસંધાનમેં મુમ્બઇમેં જડેં કચ્છી ગઘ પઠન જચું બેંઠરૂં થિચીચુંતે તડેં કેતરીક બેંઠકેંમે લાલજી 'સર' પ હાજર ચાં હુવા નેં પઠન કચોં હોં તેંમાં મા બોલીજો અંતર્નાદ થયો. તેંસેં હી કચ્છી લઘૂવાર્તાજો સર્જન થયો આચ! - તંત્રી)

દીપેશ, અુભો થી ! રાજેશ 'સર'જો પહાડી અવાજ કલાસમેં ગજયો ! વીધાર્થીએકે કેંક વડી સજાજા એંધાણ કિસાણાં. 'તૂં સાવ નક્કટ થિઇ વ્યો અઇંયેં ! ભણમેં લાપરવાઇ વઘંધી વિએતી! ગંરહાજરી પણ વઘંધી વિએતી! જવાભઘારી જંડો કીં આચ ક નં?' સાહેલજે હર બોલમેં જવાલામુખી ભભૂંકંધો હો, પણ દીપેશ ત ધીરગંભીર ચેરેસેં હી મિડું સુણંધો જ વ્યો તે ! પ સાહેલજા બોલ વરી હિકડો વખત મર્યાદા પાર કરે ચાં હુવા : 'નાલાચક! ભેસરમ! ભણણું જ ન હૂવે ત ઘરેં વિઇ રોં નં ! કુલાય માઇતરેંજા પઇસા વિનાઇંયેંતો? કેતરો મિડું નુકસાન થીયે તો, તેંજી તોંકે કી ખબર પેંતી ?'

દીપેશજી અખીયેંજેં ખૂણેં મેં પાણીજા દીપા અુભરણ લગા. અૂ અના પણ સાહેલ સામેં અૂની નજરસેં ન્યારીંધો ચોં ! જિન્ધગીજી ગહન ગાલીચેકે સહજ સરલતાસેં સમજાઇંધલ પિન્ધજી પ્રેરણામૂર્તી સાહેલ જે રોઢરૂપજા અજ ચિનકે પેલીવાર દર્શન થયા ! ચિનજો મન પલભર બે વીસ્તેષણમેં બુડી વ્યો : 'હાં, સાહેલ હિકડુંધમ સચા અઇં ! મૂં લાય કરે ચિનીકે કેતરી મિડું ચિન્ધા આચ ! એતરે ત હેંડી રીત મૂંજો ધ્યાન ખેંચીયેંતા. કઘાચ ચિનીકે સચે કારણજી ખબર નાંચં એતરે થોડા ગરમ થિઇ વ્યા અઇં!'

પણ સાહેલ અજ શબ્દેંજે પ્રહારજે મૂડમેં હુવા. ચિનીંજો અવાજ વરી પ ગજયો : 'બોલેં કોં નતો? મોંમે મુક ભચાં અઇં?' એતરો બોલંધે બોલંધે સાહેલ નિપટ પાસેમેં અચી વ્યા. મિડું છોકરા દીપેશકે શારીરીક સજા મિલંધી એંડે ખ્યાલસેં ઘુબી વ્યા !

હાણેં દીપેશજા ચપ આસ્તે આસ્તે ખુલ્યા. પાસેમેં વિઠલ બેં વીધાર્થીએં પ ચપ ખુલાણજી હી ઢબ ન્યાર્યો; હીંચેંજી વ્યથાકે શબ્દજો રૂપ ડે લાય કરેમેં હી ચપ જુકો પ્રચત્ન કરે ચાં હુવા.

'સાહેલ, ઘણેં નુકસાન થિઇ ચોં આચ. મૂંકે તેંજી ખબર આચ, જુકો નુકસાન થિઇ વ્યો આચ ચિનજી કઘાચ કડેં પણ ભરપાઇ થિઇ નઇં સરો ! સાહેલ, મૂં મૂંજે પપાકે વિનાચા અઇં!' એતરો બોલંધે બોલંધે અખીયેંમાં પાણી વોંણ લગા. એકાંધો દીપો સાહેલજે અડે મથે પણ વ્યો. સાહેલ ચિનજી ગરમીજો અનૂભવ પણ કચોં નેં તેં ભેરા દીપેશજા હી બોલ માસ્તર સાહેલ જે હીચેકે છૂંધ વ્યા ! 'સાહેલ, મૂં મૂંજે મથેજો 'છતર વિનાચો આચ! મિડું મૂંકે દયાજી નજરસેં ન્યારીયેંતા. વિચાડો દીપેશ! ચિઇનેં મૂંકે બોલાઇયેંતા! આચું મિણીં લાય વિચાડો થિઇ વ્યો અઇંચાં ! પણ, હિનીં મિણીં લાચારીએંજે વિચમેં મૂંજે ઘિલમેં હિકડો આશાજો કીરણ જરૂર આચ. પે સમાન આં જંડે માસ્તર સાહેલજી હુભ નેં હીંચારીસેં આચું જલ્દી હિન લાચારીમાં બારા અચીંધોસેં ! હાણેં અઇં જ મૂં લાય સર્વસ્વ અચોં' દીપેશજી અખીયેંમાં વોંધલ પાણી વિચાં પ ચિનજી અખીયેંમેં હિકડો અલગ તેજ પણ કિસાણું તે !

પણ હી કુરો ! છોકરેં ન્યાર્યો ત, સાહેલજી અખીયેંજેં ખૂણેંમેં પણ હિકડો અશ્રુબીંદૂ-ચિનીં દીપેશકે જુકો બોલ ર્યોં હોં તેંજે પશ્ચાતાપજો અશ્રુબીંદૂ આચો હો ! સાહેલજો હીંચું અજ રૂંધ ચોં હો!

કૂંજલજી કુણાકાર (પ) ઓગસ્ટ - ૨૦૦૫

અકાદમીજી બેઠક

અકાદમીજી કાર્યવાહક સમીતીજી બેઠક તા. ૧૩-૭-૨૦૦૫જે ડી ગાંધીનગરમે થિઇ હુઇ તેમે જુકો કેતરાક નોંધ લાયક નીર્ણય થયા તેજી વિગત આંજી જાણ લાય ડીચોંતા-તંત્રી

૧. અનૂવાદ યોજના : કચ્છીભાષાજે શિષ્ટમાન્ય પુસ્તકેજો ગુજરાતી, હિન્દી, અિન્ગ્રેચી, સિન્દી, અુર્દુ નેં બિઇ અર્વાચીન ભાષામે નેં અિર્ની ભાષાએજે પુસ્તકેજો કચ્છી ભાષામે અનૂવાદ કરેને છાંપાય લાય આર્થીક સહાય ડેજો મંજૂર થયો આય.
૨. ઑડીચો-વીડીચો ચૂનીટ યોજના : કચ્છી ભાષાજી જુનાં ભજન (ભક્તી રચના), લગ્ન ગીત, લોકગીત, છંદ, પદ્ય સાહીત્ય નેં કચ્છજે વીધવીધ વિસ્તારેજી, જ્ઞાતિએજી લોકબોલી, લોકવાર્તાઓ, લોકવાધ નેં સમગ્ર લોક સાહીત્ય નેં કચ્છી સંસ્કૃતીકે અૂજાગર કરીંધલ સાહિત્ય કે ઘવની મુદ્રીત કયણું.
૩. મૂર્ધન્ય કચ્છી સાહીત્યકારેજી અપ્રાપ્ય પુસ્તક પ્રગટ કયણાં, વીધમાન સર્જકેજી પુસ્તક પ્રગટ કયણાં, લોક સાહીત્યજી પુસ્તક પ્રગટ કયણાં.
૪. ‘અખર’ નાં જો ત્રીમાસીક પ્રગટ કયણું.
૫. શ્રી કલાધર મુતવા ‘રણ-જો-લોકસાહીત્ય’ બીં ડીચેંજો પરીસંવાદ કરેજી, પ્રા. કાન્તીભાઈ ગોર કચ્છી ભાષાજી છંદ-વેચાકરણ વીધયતે સેમીનાર રખેજી, ડૉ. વીશન નાગડા ‘બૃહદ્ કચ્છ કવી સંમેલન’ મુમ્ભઈમેં રખેજી યોજના પત્ર મારફત રજૂ કર્યો હોં. સે ઈ ત્રોંચ ભાવર વિગતવાર યોજના વ્યવસ્થીત રૂપમેં રજૂ કરીચેં તેં પોચ અકાદમીજી સઠ ટકા નેં કાર્યક્રમ કરીંધલ સંસ્થાજી ચાલી ટકા ખર્ચ પ્રમાણેં જરૂરી મંજૂરી મિલંધી.
૬. શ્રી માવજીભાઈ મહેશ્વરીકે પણ કેંક સંસ્થા મારફત યોજના હલાયજો સૂચન કરેમેં આયો.
૭. શ્રી મદનકુમાર અંજારીયા ‘ખવાબ’ જે કાગરકે ઘ્યાનમેં રખીનેં ‘ઑડીચો-વીડીચો ચૂનીટ સમિતિ’જી રચના કરેમેં આવઈ.

અકાદમીજે કમકે જરૂરી ગતી મિલે નેં તેમેં અકાદમીજી તમામ સભાસદ ભાઈવાર ભનેં તેં લાય પેટા સમીતીએજી રચના કરેમેં આવઈ :

૧. **શિષ્ટ માન્ય સાહીત્ય યોજના સમીતી**મેં સર્વ શ્રી માઘવ જોષી ‘અશક’, ડૉ. કાન્તી ગોર, ડૉ ગુલાબ દેઢીયા, પ્રભાશંકર ફડકે નેં બાબુલાલ ગોર
૨. **કાર્યક્રમ પરીસંવાદ સમીતી**મેં સર્વશ્રી બાબુલાલ ગોર, રાજેશ ગઢવી, હીરજીભાઈ શાહ, તેજપાલ ધારશી ‘તેજ’ નેં જવેરીલાલ સોનેજી
૩. **નવોદીત સાહિત્ય યોજના સમીતી**મેં સર્વશ્રી નારાયણ જોષી ‘કારાયલ’, ગોતમ જોષી, હરેશ ઘરજી ‘કસભી’, ઘનજી ભાનૂશાલી નેં વ્રજ ગજકંઘ
૪. **બાલ સાહીત્ય યોજના સમીતી**મેં સર્વ શ્રી ડૉ. વિશન નાગડા, ડૉ. રમેશ ભટ્ટ ‘રશ્મી’, હસમૂખ અબોટી ‘ચંદન’ નેં જચંતી ગોર ‘જખ્મી’
૫. **પ્રકાશન સમીતી** મેં સર્વ શ્રી માઘવ જોષી ‘અશક’, ડૉ. ગુલાબ દેઢીયા, મદનકુમાર અંજારીયા ‘ખવાબ’ નેં વ્રજ ગજકંઘ.

ફૂંજલ જી કુણકાર (૬) ઓગસ્ટ - ૨૦૦૫

૬. **લોક સાહિત્ય સમીતી**મેં સર્વશ્રી દીનેશ જોષી, અમીયાશંકર અજાણી, રાજેશ ગઢવી, માવજીભાઈ મહેશ્વરી નેં શ્રીમતી જોહરાબાનૂ ઢોલીયા
૭. **અનૂવાદ સમીતી**મેં સર્વ શ્રી માઘવ જોષી ‘અશ્ક’, નેણશી ભાનૂશાલી ‘જાની’ નેં ડૉ. રમેશ ભટ્ટ ‘રશ્મી’
૮. **શ્રેષ્ઠ પુસ્તક પારીતોષીક યોજના સમીતી** મેં સર્વ શ્રી માઘવ જોષી ‘અશ્ક’, પ્રભાશંકર ફડકે, ડૉ. કાન્તી ગોર નેં ડૉ. ગુલાબ દેઢીયા
૯. **મુખપત્ર પરામર્શ સમીતી**મેં સર્વ શ્રી માઘવ જોષી ‘અશ્ક’, ઘનજી ભાનૂશાલી, બાબુલાલ ગોર નેં પ્રજ ગજકંઘ નેં
૧૦. **ઑડીચો-વીડીચો યુનિટ સમીતી**મેં સર્વશ્રી મદનકુમાર અંજારીયા ‘ખ્વાબ’, ડૉ. અમર એમ. સમા, અમરશીભાઈ પરમાર નેં શ્રીમતી પ્રીતીભેંણ સોનીજી વરણી કરેમેં આપઈ આય.

હિન ડોચેં ડોચ સમીતીમેં હોઘેજી હેંસીયતસેં અકાદમીજ પ્રમુખ, ઉપપ્રમુખ નેં મહામાત્ર અુન જ હેંસીયતસેં પદભાર સંભારીંઘા નેં હી સમીતીયૂંજુકો પ નીર્ણય કરીંઘ્યૂં અૂ નીર્ણય કાર્યવાહક સમીતીજે નીર્ણયજે ભરાભરજા હૂંઘા નેં તેકે કાર્યવાહક સમીતીજી મંજૂરીજી જરૂરત નઈં હૂવે.

હીં કાર્યવાહક સમીતીજી બેંઠકમેં કચ્છી ભાષા-સાહિત્યજી પ્રગતીજી દિશામેં અંતી મહત્વપૂર્ણ નીર્ણય કરેમેં આયા અઈં નેં તેમેં સમીતીજેં તમામ સભાસદેં નેં ખાસ કરેનેં અકાદમીજે પ્રમૂખ શ્રી કીર્તીભાઈ ખત્રી, સાંસ્કૃતીક મંત્રાલય જે અૂપ સચીવ શ્રી ઝાલા નેં અકાદમીજે મહામાત્ર શ્રી વરદરાજ પંડીત નીર્ણાયક ભાગ ગિરોં હોં, તેંજી નોંઘ ગિરોં ઝ ઝ ખપે !

માઘવ જોષી ‘અશ્ક’

મજીલ

મજીલ મૂંજી *વટનૂં વરલે પાર આય !
વેસા ખણેજી એતરે, કિથ વાર આય !

બેડી તારઈ આય, ઘરીયા વિચ અસીં !
હેંમથજા હથીયાર, હથ પતવાર આય !

લોચૂં ત્યૂં હી ખણીં વિને આકાસમેં !
પાતાર બોડીં તાંચ નાં, ઘરકાર આય !

થીંઘો કુરો મૂંસેં ન તેંજી ફિકર કીં !
પાણીં ગિરોં આય : ‘વિનણૂં સામેં પાર’ આય !

જાંચણૂં ત મઈ થિઈ હિન જગતમેં !
નકાં આખરી ‘અશ્ક’ હી જુ આર આય !

વાટ=ક્ષિતિજ

ફૂંજલ જી કુણકાર (૭) ઓગસ્ટ - ૨૦૦૫

ન્યારે નેંણ ઠર્યા !

૧

બાળ ડાયરો

હૈર જૂલાઈજી પંજ તારીકનું એકઈ તારીક તાઈ મુમ્ભઈમેં હોસેં. મુમ્ભઈ વિને લાય મૂકે હી તાં કોય બાનું ગોતણું નથો પેં. વીશન કેતરેક પરેનું શબ્દકોષ નેં ચવકેંજે સંગરેજો જુકો કમ કરીયેંતા ઈ મૂં લાય મુમ્ભઈ વિનેજો મિણીયાં વડો બાનું આય ! પ, નાં ! હૈર ખાસ કરેનેં સાંતાકૂઝ જે કચ્છી વીસા ઓસવાલ જેંન સમાજજી સંસ્થા ‘સ્નેહ સેતૂ સંગઠન’ આસાડી બીજ-કચ્છી નંચં પરેજો ઓંછવ ૬ જૂલાઈજો મનાય તેમેં હાજરી ડીણી જરૂરી હુઈ !

ડખણ ગુજરાતમેં અજાયો મીં પરસ્થો તેસેં કરેનેં મુમ્ભઈજો રેલ ને રોડ વેવાર નિપટ ભંધ હો. પ નેઠ મીં ભંધ થયો તડેં ચાર તારીકજો ભુજનું ટ્રેનમેં રવાનું થિઈ અમઘાવાઘ પુગોસેં. ટેસનનું બાર નિકરંઘે જ એસ.ટી. જી બસ અુભી હુઈ. આઅું અુન બસમેં સૂરત પુગોસેં. સૂરતમાં બિઈ બસ જલઈ નેં વાપી પુગોસેં. વાપીમેં ટ્રેનજી ઠિકીસ કઢાઈ નેં પ્લેટફારમ તે પુગોસેં નેં ટ્રેન હલઈ. આઅું અુન હલંઘલ ટ્રેનમેં ચડી વ્યોસેં નેં પંજ તારીકજી પછાડુજો મુમ્ભઈ પુગોસેં.

પાલજે ભાઈદાસ સભાગૃહમેં વીશનજે બાલ ડાયરેજો મનભર પ્રોગ્રામ ઘિલ ભરેનેં માંણ્યો! વિશનજી પાલણભાઈ શાહ ‘વસંત’જી સદાબહાર ગાયકી પ માંણઈ !

બાલડાયરેજેં બાલ કલાકારેંજી કલાકે માંણીઘે માંણીઘે ભલા, અકે આંજો બાલાપણ જાઘ અચેતો ક નં ? મૂકે તાં અચે તો ભલાં ! એતરો જ નં, આઅું તાં મૂંજી જમારમાં સિન્ટર વરે ઓછા કરેનેં છેં પરેજો છોકરો ભનીં વિઆ તો !

૨

પાલજો પ્રોગ્રામ - રાજેશ ગઢવી

પાલજે કચ્છી વીસા ઓસવાલ જેંન સમાજજેં આગેવાનેં મૂકે ભાઈદાસ સભાગૃહજે કાર્યક્રમ ટાણેં જ અઠ તારીકજે પાલ-દીનાનાથ ભવનજે કાર્યક્રમમેં હાજરી ડેજો આમંત્રણ ડિનોં હોં એતરે આઅું અુન કાર્યક્રમમેં પ હાજર ચોસેં.

કાર્યક્રમજો આયોજન નેં સંચાલન કલ્યાણજી સાવલા ‘ભિમિલ’ હસ્તક હો. અુનીં જ કચ્છમાં દાઉદ ટાના, હીંમત જોષી નેં રાજેશ ગઢવી કે કોઠાયોં હોં. પ ટ્રેન નેં રોડ વેવાર ભંધ હૂંઘે ફકત રાજેશ ગઢવી પ્લેનમેં આયા.

રાજેશ ગઢવી ! કચ્છજો નામી મેં નામી કલાકાર અજુ જી તારીકમેં આય !

દીનનાથ હાલ ચિકાર ભયોં હો ! મિણીં રાજેશ ગઢવીજી કલાકે માંણ્યોં ! નેં વિસેસમેં, માંણ્યો વીશન નાગડાજી કવીતાકે ! અઘરાત તાઈ ડાયરો હલ્યો !

૩

ચેમ્બૂર જો કાર્યક્રમ

જં આઅું સાંતાકૂઝ વારેંજે કાર્યક્રમમેં હાજરી ડે લાય આયો હોસેં તીં જ ચેમ્બૂરજે કાર્યક્રમમેં પ, હાજરી ડીણી હુઈ. કીરીટભાઈ લાપસીયા કચ્છી સાહીત્યકારેકે જુકો ‘તહેદીલ’ વઘાયનેં અુનીંજે

ફૂંજલ જી કુણકાર (૮) ઓગસ્ટ - ૨૦૦૫

સર્જનજી પઘરાઈમેં અૂદાર આર્થીક સહકાર ડીચિંતા અડે સખીજો, મૂકે આગોતરો-બીં મેંલોં અગીયાંનું જ જોતરો હો એતરે ચેમ્બૂર કચ્છી જેન સમાજજે કાર્યક્રમમેં હાજરી ડિનીં.

અિગીયારો જૂલાઈ જે કાર્યક્રમજી આઅૂંકુરો ગ્લાલ કરીયાં ? બાલ ડાયરેજો હેંડો જભરો કાર્યક્રમ મુમ્ભઈ ક બાર કિથે પ કડેં પ પેલા થયો ન હો ! સિન્ટેર ખન કલાકાર ! નેં અૂ પ વીશનજે જાથૂ બાલ ડાયરેજા નં, ચેમ્બૂરજા જ નાં કલાકાર !

ભલા, હિનીં કલાકારેકે તઈયાર કરેમેં વીશનકે નેં નીમાકે કેતરી મિડે મેંનત કચ્છી પિઈ હૂંધી !

પ હિકડી ગ્લાલ હુઈ. હિન કાર્યક્રમમેં કેતરાક વડા કલાકાર પ હુવા. નૃત્ય કલાકાર. સમૂહ નૃત્યજા કેતરાક કાર્યક્રમ પેશ થયા તેં મેં બારેં, ચોડેં, સોરેં, અચડેં, વીચેં વરેંજી છોકરીયું પ હુઈયું. છોકરા પ હુવા નેં કાર્યક્રમ સંચાલીકા તૃપ્તી ગોસર નેં નૃત્યાંગના જીંકલ ગંગર, રૂપા શાહ નેં પંકીતા હિનીં બાળ કલાકારેકે નેં કીશોર નેં જુવાલા નૃત્યકારેકે તઈયાર કરેમેં વીશનકે વડા મઘઘગાર થયા !

મૂં બાળ કલાકારેજે માઈતરેકે-ખાસ કરેનેં માતાઅેકે વઘાઈયું ડિનીંયું કાર્યક્રમ સંચાલીકા કે નેં નૃત્યાંગના કે પ વઘાઈયું ડિનીંયું નેં કીરીટભાઈ લાપસીયાકે નેં અુનીંજે સાથીદારેકે પ વઘાઈયું ડિનીંયું !

૪

‘ફૂંજલ’જે આસાડી અંકજો અર્પણ વીધી

‘ફૂંજલ’જો કચ્છી નઅૂં વરેં, ૨૦૬૨જો અંક હિન ફેરે બીં ભાવરેકે ભેરો અર્પણ ક્યો.

હિન આસાડ મેંલોં મેં સાઈ ચોથ નેં ડાં જુલાઈ બોંચ ભેરા આયા. બોંચ મૂંજા જનમ ડી ! મૂં સિતોતેરેમેં પગ્ગ રખ્યો.

જૂનમેં વીશન નેં નીમાસેં સલા કરેનેં આસાડી-જૂલાઈ અંક અસાંજે જાની ‘એકલ વીર’ ઘીરજભાઈ છેડા (કચ્છ-ડેપેવારા)નેં અિનીં જડા જ અસાંજા ઘણગુરા (શુભેચ્છક) કીરીટ દામજીભાઈ નાગડાકે ભેરો (સંચૂકત) અર્પણ કરેજો નિકી ક્યો હો.

મૂં ચ્યો હો : ‘હી બોંચ ભાવર પાંજી કચ્છી સાહીત્યજી પ્રવૃત્તીમેં પાંકે જુકો સાથ ડીચિંતા નેં કવી મીલન, બાલ ડાયરા, ગીત-સંગીતજે કાર્યક્રમમેં જુકો સહકાર ડીચિંતા તેકે ન્યારીંધે નેં મૂકે પ ‘ફૂંજલ’જે આસાડી અંક લાય જાહેરાતૂં ભેચૂં કરેમેં જુકો સહકાર ડીચિંતા તેજે કરેનેં અિનીં બોંઈકે અલગ-અલગ (ઘાર-ઘાર)અંક અર્પણ કયા ખપેં. પ, અર્ચીઘલ (૨૦૬૩) વરેં તાઈ આઅૂં હૂંવાં ક ન પ હૂંવાં. મૂકે ભરોંસો નાંચ. એતરે હિન વરેં જો અંક ‘સંચુકત’ અર્પણ કરીયોં.

વીશન નેં નીમા સંમત થયા એતરે અંચડો (અિરડો) જૂલાઈ જે ડીં જોગેશ્વરી જી અચલગછ વાડીમેં અર્પણ વીધીજો કાર્યક્રમ રખ્યો. કચ્છી વીસા ઓસવાલ સમાજ, જોગેશ્વરી આયોજીત હિન કાર્યક્રમજો સંચાલન ‘મંગલમ્’ ક્યોં હોં.

અસીં હિતે કચ્છી ગઘપઠનજો હિકડો નિનઢડો કાર્યક્રમ પ રખ્યો હો.

૫

કચ્છી સારસ્વત મીત્ર મંડળ, મૂલૂંડ ચેંક નાકે વારેંજો કાર્યક્રમ

મૂંજે જાની ઘોસ્ત મૂલશંકર જોખીકે ફોન ક્યો : ‘સવારે કચ્છ વિગાતો’ ચ્યોં : ‘અજ સાંજીજો સતેં નૂંબોંચ તાઈ સારસ્વત વાડી મેં ચેંક નાકે વારેં ‘આસાડી બીજ’જો કાર્યક્રમ રખ્યોં’ નોં

ફૂંજલ જી કુલાકાર (૯) ઓગસ્ટ - ૨૦૦૫

સાંતાક્રુઝનું બસમેં મૂલૂન પુજુંદે સવા કલાક લગે. પ મૂં ડાયરેક બસ ન પકડુંદ. ઇ બસ ક્ડેક ૩૦-૪૦ મિલીટિં પ મિલેતી એતરે મૂલૂન પુજુંદે ડેઢ-બ કલાક પ લગી વિએ ! આચું બસમેં કુર્લા વ્યોસેં નેં અુતાં લોકલમેં મૂલૂન પુગોસેં સવા-ડેઢ કલાકજે ઠેકાણેં ચાલી મિલીટિંમેં પુજુ વ્યોસેં.

કાર્યક્રમ ચાલુ થિઇ વ્યો હો. પ મૂકે તેમેં હાજરી ડીંદે અજાઇ ખુશી એતરે થિઇ જે અસાંજે સમાજ-મુભલઇજે સમાજ અજુ ડીં તાઇં કરછી નયં વરેં જો કોચ કાર્યક્રમ આયોજીત કયં ન હોયં નેં હી કાર્યક્રમ થયો નેં સે-પ, અસાંજે મુભલઇ સમાજ જી સારસ્વત વાડી મેં, પ ચિનજો આયોજન ચેક નાકે (થાણે) વારેં કયોં હોં.

હિન કાર્યક્રમમેં માન-સનમાન-નયં વરેંજી વઘાઇયું-ભાષણ સિવાય વ્યો કોચ કાર્યક્રમ ન હો. તેં હુંદે પ હિન કાર્યક્રમજે આયોજકેં કે મૂં છાભાસીયું કિન્યું! વાઘાઇયું કિન્યું! નેં અચીંદે વરેં મનોરંજન કાર્યક્રમજો આયોજન કરેજો પ રયો.

અસાંજો ડોમ્બીવલીજો સમાજ પંજ-છ વરેં થયા કરછી નયં વરેં જો કાર્યક્રમ રખે તો. બે રવીવારજો હી કાર્યક્રમ હો તેમેં હાજરી ડેજો મૂકે આગ્રહ કયોં. પ, મૂં હથ બઘા ! બે ડીં જ એકઇ જૂલાઇજો જ મૂંજી ટિકીસ હુઇ.

મૂકે હિન ફેરે મુભલઇમેં ઘણી મજા આવઇ ! ખુશી થિઇ ! કાર્યક્રમ ‘ન્યારે નેંણા ઠર્યા !’

કરછી બોલી બોલ ! મિઠા !

તું કરછી બોલી બોલ !

કરછી બોલી બોલ !

તું ઘિલજી અરછી બોલી બોલ !



કમલાકાન્ત ઘોટાલાલ એક્સ્પોર્ટ્સ પ્રા.લિમિટેડ

શ્રી રામ ઈન્ડસ્ટ્રીયલ એસ્ટેટ, કામાણી નજીક, કાલે માર્ગ, બેલ બજાર, કુર્લા (પ.)
મુંબઇ ૪૦૦ ૦૭૦, ફોન: ૨૫૧૪ ૦૨ ૩૭, ૨૫૧૪ ૭૯ ૮૦
ફેક્સ: (૦૨૨) ૨૫૧૧ ૨૨ ૮૫, ૨૫૧૧ ૩૩ ૪૨

ફૂંજલ જી કુણકાર (૧૦) ઓગસ્ટ - ૨૦૦૫

પત્રકાર

ગજલ

લિખ, હાણેં લિખવાર, પણ તૂં ભંધ ન કર !
ખણ કલમ કર વાર, તૂં ભંધ ન કર !
ભંધ ન કર ભેઇમાન થીનેં, ચુકનેં ઘરમ તૂં તોંજો,
માઠૂ નઈચેં ગઈચાર, તૂં ભંધ ન કર !
ભોરીંગ ભ્રષ્ટાચારજો ડિસ તૂં, કેસકે ડંખે,
કર કલમ તઈચાર, તૂં ભંધ ન કર !
તોંજો કર્મ આય ઈ જ, સચો લિખી સગેજો,
કર સચજો હૂંકાર, તૂં ભંધ ન કર !
'નૂર' ફેંસલો કરી ગિન, અણનમ અુભહો અઈયાં !
ખોટા ન કર વીચાર, તૂં ભંધ ન કર

ચંદ્રવદન મહેતા 'સારસ'

અસાંકે

ગજલ

જડેં જાઇ આંજી, અચેતી અસાંકે !
અખીચેંમેં પાણીં, ભરાયાં અસાંકે !
ઘિલાસો 'વો ઘિલકે, હી અઈં જ પિન્દજા,
ટાણેં તે ઘુસ્મણ, ભનાયાં અસાંકે !
ઘુનીયાંજા રંગીન રંગ ભઘલી વિએતા,
પિન્દજા જ રંગ હી, વતાયાં અસાંકે !
જિન્દગીજો વૈવાર, હલે તો ભરાભર,
વૈવારીયા ! અઈં, સિખાંયાં અસાંકે !
સગપણ સચા હિત, મિલેં તા કિડાં ભા !
સગપણ જે નાલે, નમાંયાં અસાંકે !
વેસા અજુ કેણીં, ત 'સારસ' પ કેંજી ?
લગેં તા મિઠૂં હી, પરાયા અસાંકે !

ફૂંજલ જી કુણકાર (૧૧) ઓગસ્ટ - ૨૦૦૫

मूंजी पोथी

आअूं अूनआीसॉ बांसठ-त्रेंसठ-चोंसठजे अरसेमें नारायणसरोवर सेवा सहकारी मंडळीजो मंत्री हुवोसैं. पगार पॅला पिन्जी रुपीया नें पोय पोणूंसॉ रुपीया हुवो. ही मंडळी मूं थापअी हुआी नें असांजे गामाआी-गुआीरवारें गामाआी सुन्धरजी लीलाधर ठक्करके प्रमुख बनाया हुवा. प अिनीं मंडलीजे सभासदेंजी लोनजी रकम पिन्ढजी धुकानजे लेंणेंमें जमें करे छडयों नें पोय अुनीं सभासदेंके वीयाजते पआीसा नें बिज नें धांआीं वगरे डिनों तें तथा माडू नाराज थ्या नें असीं प्रमुख भधलाया. तेंजे करेनें सुन्धरजी नें मूं विचमें वॅर प्या नें अुनीं मूंके घणें हॅरान कयों. अुनींजा पत्नी प असांजाज-गुआीरजा-धीयारु नें वरी पाडेसरी हुवा नें अिनींजी बाआीके असीं मासी चोंधा हुवासीं.

मूं सुन्धरजीजी रेशनजी धुकान रध कराआी. गॅरकायधे कोलसें ज्यूं हजारूं गूणीयूं जलाआीयूं. ब्या हजारूं मण अिनीं बारे छडयों. कोलसा भंध थ्या, कंट्रोल जटाजी विआी अेतरे कुआड़ीया-कुआड़ीवारा-कोलसा बनाआींधल धुकानता अुतरी व्या अेतरे वॅपार वींटाजी व्यो.

सुन्धरजीजी धर्मपत्नी मूंजी माताजीके चें : 'मा ! अूं (सुन्धरजी)तां अॅडा अआीं प माधूके असां नीयांणींअेंजो मों प आडो नथो अचे!' अेतरे हिनीं बोलेंजे कारण आअूं अगीयां वधंधे अटकी रोंधो होसैं.

सुन्धरजी जडें मूं सामे वडे पाआीये खिटपिट कयों तडें मूं राजाबावे (स्व. राजा श्री करमसिंहजी, अध्यक्ष श्री आशापुरा पीठ, माताजो मडू)के राव डिनीं. सुन्धरजी अुन वखत कायधेजी सॉडमें हुआ. राजाबावे नें बें समाधान करायों. मूं सुन्धरजीके पुलीस नें नागरीक पूरवटे नें महेसूल खांतेंजें मामलेंमां छडाया. थोडा घणां मेंणां व्या नें भाआी मूं सामें खिटपिट चालू कयों. जडें पाणी मथे ता वटाणां तडें मूं राजाबावेके राव डिनीं त अुनीं च्यों : 'तूं जडें सॉडीमें अचें तडें असांके राव डीयें नें जडें असीं छडाआीयों (समाधान कराआीयों) तडें वरी खिटपिट करीयेंतो !'

मूं पुछ्यो : 'आअूं खिटपिट करीयांतो ? आअूं सॉडमें,अचांतो?' अुनीं हा च्यों. तडें मूं च्यो : 'तडें हाणें आअूं राव नआीं डीयां. हाणें आंके प छूट आय. थीजा सुन्धरजी भेरा.'

पोय सुन्धरजी नें मूंजी वेडू घणीं लमीं हलआी. आखर जडें सुन्धरजी मिणीं गालीयें खुआर थ्या, थका, आंसर्या तडें विगर समाधान मूंजो पीछो छड्यो नें मूं अिनींजो पीछो छडयो.

रवीवार : ३०-८-६४ जी पोथीमें हिन वेडूजी प गाल आय.

१

सहकारी मंडळी-मूंते पुलीसमें केस करेजी कोसीस

२३-८-६४ रवीवार सवारमें मिठुभाआी (मूं मंडळीजो मंत्रीपद छडयो पोय जा मंत्री नें असांजा कुटमीं. हिकड़ी बिआी व्यक्तिजे चे ते सुन्धरजी ते अरजीयूं कयोंते तें तथा सुन्धरजी अुनींके मार्यो हों नें अूं मूं मथे अरजीयूं करींघा हुवा तेंता मूंके प सुन्धरजी सला डिनों, मिठुभाआीके मारेजी ! प मूं आीं न कयो. अुनीं मिठुभाआी मूंके च्यों जे : सईयध तां अज रातजो मुम्भआी विजेतो. तूं रोके नें पताय. मूंके मौन हो अेतरे आँटेसें च्यो जे, भलें विजे. त च्यों जे, 'अरे भाआी

कुंजलज कुण्डार (१२) ओगस्ट - २००५

पताय नं. नाहकजो मिणीके छंढा खंयणां पोंधा'

(मूं सहकारी मंडळीमां अुचापत कअी आय अँडो मूते आक्षेप हो. प्रमुख ते प हो. प्रमुख केतरीक रकमजी जवाबधारी सीकार्यो हों. मूं साफ अिन्कार क्यो हो. जिला सहकारी बेन्क लवाद नीमें. केस हल्यो नें तमाम रकम प्रमुख ते टुटअी. प तेंनूं मोंध मूं मथे पुलीसमें फरीयाध करेजी कोशीष करेमें आवअी हुअी तेंजी ही गाल आय).

समाचार थ्या त, सुन्धरजी अची व्या अअीं. मोमन (असां पोय जा प्रमुख) च्यों विटे मिटुभाअीके जे, 'मूके तां की'भी खबर न हुअी नें मूं कीं भी च्यो न हो. आमूं (मंडळीजी कारोबारी समीतीजा मेम्भर) पिन्ढजी मरजीसें व्यो. मूके घडूलीमें मिल्यो नें चें जे, लखपत व्यो होसें.'

मिटुभाअी मूके च्यों जे, 'हां, आमूं वापस आयो. वकील चें जे, मंत्री खपे भेरो तडें केस थीये.'

अगली रातजो बेन्क लोनजो पूरवणीपत्रक वापस आयो हो, से तेंजो काग़र मिटुभाअी वांचांयों.

बे डीं ग्रामसेवक चूडासमा वटे पत्रक डिठो त, जमनशा सअीयध, जूसब खलीफो, हाजी जूसब अिजन, शेरमामध, जाकब अब्दुल्ला, वेलो तुरक, अुमर तुरक, सूमार सलेमान, अिभराम बाराच, भूलो नें मिटुभाअी अिनीं अिगीयारेंजा नां ज 'वा. मोमन मिणीं सभ्येंके नाहक खोटे आसरेमें रुलाय तो. मिटुभाअी आमूंजे मोते मूके च्यों ते जे, 'पअीसा मंजूर कराय डें. विचाडें गरीभेंके कम अचें !! (जुको मूं मथे अुचापतजी फोजधारी फरीयाध-क्रीमीनल कम्पलेन्ट-करे लाय धांडया ते, अुनींजी लोन मंजूर कराय लाय आअूं धांडां, अीं च्यों ते !!!)'

२३-८-६३जी सांजीजो कनोज थींधे हाजी मजारके मों वताअींधे कअीयारी व्योसें. वाटमें बावेजो माडू मिल्यो हो. बावे जमनशा च्यों जे, 'मुम्भअी वेंधोसें. प अज रातजो तां, भंघूकजो कुन्धो बधाण लाय भुज़ वेंधोसें.

रातजो मिटुभाअी, रेवाशंकर, मोमन विगेरे आया. मोमन टिक्यो. ब्या घडूली व्या. बावो भी व्यो. मूके कोय न मिल्या. आअूं सुतो होसें.

मोमन सवारो च्यों जे, महीडा (सहकारी बेन्क जा अधीकारी)मूके चें होंयं त हिनमें परबारो केस न थीये नें मूं सभ्येंके च्यो हो जे, अमलधार फेंसलो करीयें से खरो!).

२

कृषीधाम

आअूं २४-८-६४जी सवारो कअीयारीनूं निकरी पानंधां व्योसें. जया (मूंजी निन्डी भेंण)जे घरें मानीं खाअीनें 'कृषीधाम' (सिन्धी भानूशालीअेंजी संयुक्त सहकारी खेती मंडळी)ते व्योसें. अश्वीन नें नाथोमल 'वा. फार्म ते फिर्यासीं. चर्चा थीअी.

२५-८-६४ जो ट्रॅक्टरसें घडूली व्योसें अमरसीजो भा कुबेरनगरनूं आयो हो से भी भेरो हो.

३

लाखापुरजा लुआणां नें सूमरा

कानजी मांमां वारो अरजणभा घडूली आयो हो. अी लाखापुरमें थानजो (लुआणें माजनजे थानजो-थानाअी) कम करेतो. मूधान वारे कानजी माराज सूमरें जी.नें लाखापुरवारें लुआणेंजी कंथा (कथा) वांचें. चें जे, 'लुआणां सूमरेंजे पीरेंजा हथ चुमीयेता !!!' लाखापुरवारा लुआणां सूमरेंजा धबल अअीं तेंजी मूके भी खबर आय. प हेतरी हधते पुगा हूंधा तेंजी खबर न हुअी.

सांजीजो माताजे मडू व्योसें. राज़ाबावो भुज़-अंजार व्या 'वा.

कुंजलज कुण्डार (१३) ओगस्ट - २००५

ओरीगेशन डॅम्स नें ऐस.टी. बास

डयाराम (सिन्धी भानूशाली-कोरीयाणी सहकारी मंडळीजा प्रमुख) बस में भुज्ज व्योते. अुनीकेओरीगेशन ओन्वैस्टीगेशन सब डीवीज्जन, भुज्जजेडॅप्युटी अिजनॅर ते लिखल पत्र डिनूं (गोधातड डॅमजी सर्वे लाय अचेजो. ही डॅम अज्ज कोरीयाणी, कपूरासी, नें छॅर जी खेतीके पाणी डेतो.)

ब्या ब काग्र मूलजी कोरीयाणी वारे के टपालमें विधे ला' डिनां. १. पत्र कलेक्टर साहेब ते लुकमान जे कपुरासी रखालजे चडावेजी डीपोजीटजो रीफन्ड मिले बाबत नें ब्यो कार्यपालक अिजनॅर, ऐम.आओ.पी. (माओनॅर ओरीगेशन प्रॉजॅक्ट) राजक्रोट ते गुवर, कुनरी नें गोगीराणेंजी डेम साओटीजी डे. अिजनॅर तपास करे नें रपॉट हलायंनं तेंजो कुरो थ्यो, तेंजी पुछा कओी हुओी से हो. ड्वाओवरके नारायणसरोवरजी बस-मींजे कारण भंघ हुओी से वाट ठारायनं चालू करे जो पत्र डॅपो मेनेजर, भुज्ज ते डिनूं.

बे डीं २६-८-६४जो देवसींभाओी (जिला लोकल बोर्ड जा मेम्भर)के ऐस.टी. ते भुज्ज-लिखमीपुर वारी बस भाडरो, कोटड्जो थींधे माताजे मड्ज हलायजो नें,गोयला-नारायणसरोवर-माताजो मड्ज, भुज्ज-माताजोमड्ज-बरंधा-नारायणसरोवर/वाओीयॉर अॅक्सप्रेस बस नओीं चालू करेजी नें नखत्राणा-सीयॉत बसके मूंधान-नरो-हाजीपीर हलायजी नें भुज्ज-नारायणसरोवर बस के कोरीयाणीं थिओीनें हलायजो लिख्यो हो, अू काग्र डिनूं.

तालुका मथक

शामजी शेट (लखपतवारा) रवापुर ब्या ते. (गोपालजी शेट मेघपुरवारा भी हुआ.) शामजी शेट के गुजरात राज्यजे पंचायत मंत्री श्री वज्जुभाओी शाह ते लखपत तालुका पंचायतजो हॅडक्वार्टर लखपतमेंज रखे लाय विनंती पत्र टपालमें विजे लाय डिनूं.

राज्जाबावो आया. लालवाणी (पानंध्रॉजी भारतीय संयुक्त सहकारी खेती मंडळीजा मंत्री)भी हुवा नें अिनीं भेरा ब्या त्रॅ सिख पानंध्रॉ ब्याते.

तालुके जे वीकास बाबत

राज्यजा डॅवॅलपमेन्ट कमीश्रर (वीकास आयुक्त) मंकोडी साहेब २७-०८ जी रातजो माताजे मड्ज टिकेवारा (खमेवारा) हुआ प न आया. रातजो बीं वगें सुधी वाट न्यारे हॅरान थ्यासीं. अू २८-०८ बिपॉरजो आया. च्यो जे, 'सेरड्डी गामजी नय तां मडओी वापस ब्यासीं. भुज्जनूं थिओी अचों ता. अिनीं भेरा सर्वश्री कान्तीप्रसादभाओी अंताणी (कच्छ जिल्ला पंचायत प्रमुख), जिला विकास अधीकारी चंदोरीकर साहेब, कार्यपालक अिजनेर चौहाण साहेब नें शेख साहेब, आसी. डेव. कमी. चंदूभाओी पटेल साहेब, आसी. कलेक्टर शर्मा सहेब, खेतीवाडी अधीकारी शाह साहेब, जिला रजीस्ट्रार, सहकारी मंडळीओ सओीयद साहेब वगरे हुआ.

लखपत तालुकेजे विकास बाबत चर्चा-वीचारणा थिओी.

जेमें १. सूपर फॉस्फॅट खातर (खाद) २. चर्मोद्योग, ३. पूर्व प्राथमीक शाळा, ४. मालधारीअॅके तालीम, ५. गोधातड डॅम-नरा डॅम, ६. अम्बर चरखा केन्द्र वगरे बाबत चर्चा-वीचारणा थिओी.

कुंजलज कुण्डार (१४) ओगस्ट - २००५

मंकोड़ी साहेब घणूज हुसीयार नें ग्राम वीकासजो अनूभवो आय. अनीज गाल्खिं क्यो. मूके मनमें थोये जे ही गाल पूरी करीयें तें पोय आअूं चां (रजूआत करीयां). प मूंजे मनमें जुको प योजनाअूं रमअीयूं ते अूं तमाम अुनीं सामेनूं च्यो ! अेतरे थ्यो जे भलें अी चें नें असीं वधाअीयों अी ज वधूं सारो थींघो !

चर्चामें जिला पंचायत प्रमुख कान्तीप्रसादभाअी अंताणी, राजाबावे, शामजी शेट, मूं नें अधिकारीअें भाग गिड़ों.

मीं चालू हो नें अी रवाना थिअी व्या. नारायणसरोवर बाबत च्यो त च्यों जे, 'तीर्थ के वीहारधाममें वीकसायनूं विरुध अअीयां! कारण त, अनाचारजो धाम थीयेजो धा आय ! वीहारधाम वेश्याधाम भनीं विजे ता !' मूंजे मनमें तां थोड़ो घणूं ही धा शुरुआतनूं ज हो. प तीर्थजे वीकासजी लालच घणें वडी आय, अेतरे मूं थोड़ी खन घलीलूं किअीयूं.

७

सुन्धरजी, आअूं, शामजी शेट नें राजाबावो

तेंनूं अग्नीयां शामजी शेट सें चर्चा थिअी तालुका हॅड क्वार्टर बाबत नें सुन्धरजी बाबत अगली रात (विअी रात) राजाबावे पुछ्यों हों जे : 'तूं नें सुन्धरजी पिन्डमें सुर नयां कुरो?' तेंतां मामलतदार सोलंकीजी हाजरीमें ज मूं मिड़ें गाल्खिं किअीयूं. पोय शामजी शेट के कोठायो. अनीं च्यों जे, 'कुरो कंधासी?' त बावे च्यों : 'अनींके जीं कयणूं हूंवे तीं करीयें'. शेट च्यों : 'नां, अीं न थीये. ठाय छडीयों'. राजाबावे च्यों : 'समाधान हिकड़ो वखत थीये त पोय जघड़ो न क्यो खपे. नकां त समाधान न कजे नें लड़ी गिनजे.' मूं पुछ्यो : 'आअूं रांध करे सग्रां अॅडो माडू अअीयां?' त च्यों : 'तूं न नें अूं' आखर अीं निकी थ्यो जे, सुन्धरजी नें मूके मडू कोठायनें रुभरु सुणीनें समाधान कराअीयें. अेतरे शामजी शेट वाटमें धोलतपुर वटे मूके चिठी सुन्धरजी ते लिखी डिनो.

राजाबावे वटां पअीसा गुर्या त सज़ी हकीकत करे सुणायों. पंज रुपीया मूं के डेजो शामजीशेट के च्यों. प, मूं १० डॉ रुपीया गिड़ा.

काकुशेटजो धा. अजा भी शामजी शेट के आय अगर तां भधलो गिनेजी भावना आय ! काकुशेट घणें गुन्हाहीत कृत्य करेतो तेंमें अची विजे तेंजी वीचारणा किअी.

हेतरे डीयेंमें प्रथमवार शामजी शेट च्यों जे : 'सुन्धरजी हिकड़े माडू के सोंढायं होंयं, आंजो नक कपण. से अुन माडू शेटके चें तडें, शेट अुन माडूके च्यों जे : 'पअीसें लाय अॅडो कम थीये, भ्रामणसें?' माडूजो नां न च्यों. प कधाखर मंगलजी होथी हूंघो'

वीकास खांतेजी जीपमें घडूली आयोसें नें १७-३० (सांजी जो ५-३० वगै) रवानूं थिअीनें कृषीधामते सवें अठें पुगोसें. पानंघोजी नयमें पाणी घटी व्यो हो !

८

शिख खेडू

शिख खेडूअेंके मिलण लाय खास पंध करेनें रातजो पुगोसें नें अुनींसें तालूकेमें अनींके खेतीजी जिमीन किथ किथ मिली सगो अीं आय तें बाबत सला सूचन डिनां. हिकड़े जंगसींग नालेजे सिखके रतीपारजो सूचन क्यो.

काल लालवाणीजी च्यों जे, रतीपार अनींके हलाअींघोसें. अअीं अनींजो कम कजा. मेनेजर अअीं थीजा, त जेंसें आंजी आर्थीक चिन्धा लअी विजे !

कुंजलकु कुलकार (१५) ओगस्ट - २००५

लखपत तालुका कोंग्रेस

कोंग्रेसजे प्राथमीक नें सक्रीय सभ्य नोंधणी बाबत नें आअूं संस्थामें अग्रिम भाग गिनां ओं लालवाणीजी च्यों. अिनीके पिन्ढके तालुका कोंग्रेस प्रमुख थीयेजी खूब अीच्छा आय ! प मूं वटे स्पष्ट नथा थीयें. से मूं च्यो जे पां बाँय कम कंधासीं नें अक्षीनके भी पां भेरो खणंधासीं.

मूंके आशा आय जे पीरीस्थीती नजरें अक्षीन जरूर कोंग्रेसमें शामिल थींघा.

सातम प्रेमसें खाधी नें पोय माननीय वजूभाओी शाह (कृषीमंत्री) ते फार्म बाबत पत्र अक्षीनके लिखी डिनुं नें फार्मके फीलमाय ला' नायब माहीती संचालक नरहरीभाओी भट के पत्र लिख्यो.

१०

मुल्लां तओीयब जत

फुलरे विजेजो वीचार रद करेनें रवानूं थिओीनें कोरीयाणी आयोसें. रॉड्रासरवारो नथू शेट अिते हो. (नथु शेट किराची वटां मूंजो भाओीबंध हो. मुम्भओीजे माजी मेयर स्व. रवजीभाओी गणात्राजो साल हो. कोरीयाणीमें अनजजा सारा हुवा. थोडें वरें मॉर अनजो स्वर्गवास थिओी व्यो!) काफी पीनें कओीयारी आयोसें. वाटमें वीचार हो जे, जमनशासें मंडळी ज्यूं गाल्युं करींधोसें नें कनोज कोटे वेंधोसें. प मुल्लेंजो घर भंध हो अतरे अितां ज ठेल्यो. (मुल्लां तओीयब जत कनोजजा हुवा. भीमारी-सीमारी नें बिओी बाबतेमें डोरा-धागा करींधा हुवा. पाणीं पढी (मंतरे) डींधा हुवा. प अिनीके संततीमें हिकड्डी धी नें हिकड्डी पगामें पोलीओवारो पुतर हो. अतरे अिनीके हिकडे निमरे पुतरजी अिन्छा हुओी. अिनीके मूंजी वीशेष शक्तीजो मूं २-३ वखत परीचय करायो हो अतरे, अिनीके मूंजे वचनमें श्रद्धा हुओी तेंजे करे मूंके च्यों हों जे : 'माधु, धुवा कर त मूंके हिकड्डी पुतर थीये त आअूं ताँके हिकड्डी धूज मेज़ (मे-भेंस) डींधोसें!' मूं च्यो हो जे : 'मे-बे जी मूंके लालच नांय . प जडें प पां भेरा थीयो तडें मूंके जाध कराओींधो रॉज त कडेंक धुवा करींधोसें! प कच्छके-असांजे लखपत तालुकेके डुकारें खणीं लाथों नें मुल्लां तओीयब पाकस्तान लडेव्या!)

कओीयारीनुं निकरे पोय वाटमें जाध आयो जे, बावेसें (जमनशा सओीयधसें) कम हो ! प वरी थ्यो जे, ओी गाममें न हूंघो अतरे ज आअूं भुली व्यो हूंघोसें ! नें कनोजमें खबर पिओी जे बावो नाणसर हो.

रात हाजी हसनजे घरें होसें. अुमर मुलअूं बरंधेंवारो आयो हो.

भाणीयाणी (मूंजी धरमजी भेंण)जे घरें अगली रात धी ज्ञाओी हुओी. मूं अगीयां च्यो हो जे, धी अचींधी, काणीं ! प सुखर काणीं त न आवओी ! ('काणीं' त मस्करीमें च्यो हो !)

अज्ञ लुकमानजे घरें मानी खाओीनें बिपरें ११-३० (साडें अिगीयारें) वगें नाणसर आयोसें.

मूंजी टपाल हींमतभाओी डाक्टर वटे हुओी ओं भाओीलालभाओी (मूंजी भेंण जयाजा डेर) मूंके घडूलीमें च्यों हो. से टपाल खंओी नें वांचओी. तेंमें पाक. हाओीकमीशनमां पासपोर्ट रजीस्टर जी अँकनोलेजमेन्ट रीसीप्ट भी हुओी नें आसी. रजीस्ट्रार, सहकारी मंडळीअूं, सालेमामध (पूर्व प्रमुख, ना.स. सहकारी मंडळी) ते वाअूचर सुप्रत करेजो हुकम हलायोंहों तेंजी नकल मूते हुओी.

नारायण सरोवर : रवीवार : ३०-०८-१९६४ : क. १५-३०

कुंजलज कुण्डकार (१५) ओगस्ट - २००५

અખિયેં ઓતારા (ગીત)

ઘિલસેં ધૂલારા થીંધાસીં,
અખિયેં ઓતારા ડીંધાસીં.

મ્લૂભ મિઠા મન મોંજલા !
અકિં ન અચેં કો પલા હીલા,
ઘરીચા ઘિલસેં ઘાવત ડિઘનેં,
પ્રેમરસ પ્યારા પીંધાસીં....

એંચું અસીં આંજ ધીવાના,
આંજ મોંભતમે મસ્તાના,
સથૂઆરો મિલે અગર આંજો,
અભજ તારા ગૂંથીંધાસીં....

એં જાન કનાં પલા વલા જાની,
આં વટે લગ્ને ઘુનિયાં ફાની,
આંજે સડ જે ઓઠે-ઓઠે,
જિજા જનમારા જુંચંધાસીં....

- પ્રજ ગજકંઘ